

吉林紀事詩

豫章沈兆禔鈞平氏著並注
門下士方履中題箋

42224
共2冊

地420
939
03521-2

16
查語
三本

豫章沈鈞平夫子著並註

吉林紀事詩

門下士延昌謹題

宣統辛亥

夏六月穀

旦金陵湯

明林排印

吉林紀事詩

序

國風十五皆詩人紀事之作也列國政教雅俗正淫靡不具是獨東土邊聲不登諸籍蓋太史輜軒不及關外而書闕有間焉吉林爲肅慎古國我

朝龍興肇迹奄有蒙古入主中夏其間將才接武史乘彪炳雖不絕書而墨客騷人所至恒尠厥後秋箱入集創爲新聲然羈旅牢愁匪與斯旨榛蕪彌望於歷代之沿革民俗之變遷旣無文獻足徵又乏歌謠可採觀風者奚所取乎豫章沈君再沂有感於是從公之暇寄情吟

吉林紀事詩

卷首

陳中丞序

金陵湯明林聚珍書局印

詠輒寫胸臆凡以吉林新設省治庶政舉舉羅其掌故系諸韵言久之成帙斐然也夫世風遞嬗政俗隨時事以興替不有紀述曷風來禩箸爲吉林紀事詩若干首分別部居詳加故實類舉則情見韵協則言順旣有鉤稽復資羣感然則觀是編者其於政治之念或亦油然而興耶若夫言逐聲響詞誇麗則又非所以語此

宣統二年庚戌陳昭常

序
今

上登極之次年歲在庚戌寰海鏡清方隅砥平余時權勸業道篆於鷄林 豫章沈鈞平大令袖所著吉林紀事詩草就正於余晤談間藹然有儒者氣象望而知爲循良之選覽詩及註元元本本殫見洽聞於天文地理時令風土政事民物暨一切之有關於吉省者旁搜遠紹萃於一編並考訂行政輿圖及簡明一覽表弁諸卷首旣博且精較宋詩紀事尤爲明備洵當世之有心人也吉林爲我

吉林紀事詩

卷首

曹觀察序

金陵湯明林聚珍書司印

朝發祥地周之邠岐漢之豐沛舉莫能過惟有軍府而少民官故風氣之開視諸省稍後光緒丁未

廷議東三省改行省置郡縣越己酉宣統紀元以迄於今

前後數載 雲津徐制軍 蒙古錫制軍相繼爲東督

甯州朱經帥 新會陳簡帥相繼爲吉撫其間因革

損益整理而擴充之者月異而歲不同進步極其迅速

明良遇合千載一時若不發爲詠歌被之金石使

皇猷官績闡焉不彰亦士大夫之羞也况地介兩強日俄協

約日韓合邦以來風潮益迫內外臣民獻策上書謀所

以自強者皇皇焉如不及亞聖有言國家閒暇及是時

明其政刑雖大國必畏之矣時哉勿可失利弊興除百
端待理則此時爲最可危之時亦爲最可幸之時也事
以詩存又烏可以不紀是編於國界邊防極其留意以
圖們江口入海僅百餘里爲吉省東南水路咽喉本我
國之領土照約章指陳形勢訂訛正誤據理實可爭回
則采余昔歲所上之條陳而擷其精要其力主屯田又
與余近時提議不謀而合鴻籌碩畫頌不忘規蓋詞章
家考據家實經濟家也豈尋常之竹枝詞比哉大台學
宗陽明以第一流人物高自期許雖嘗見賞於名賢而
不諧於俗亦在於此宦江南十稔以廉幹稱所至有惠
政卒爲蜚語中傷不克竟其所學而歸之於命略無怨
尤今歲春夏之交浮江渡海走幽燕入遼瀋遠游肅慎
故墟以攬長白松花山川之勝而寄之於詩天殆將使
之蹶而復起楚材晉用俾從諸君子後建立功業而有
造於東陲歟抑使之窮愁著書俯仰今古悲歌慷慨而
徒吟出塞之篇歟是未可知也然網羅舊聞敷陳新政
作

陪都之掌故其詩則可以傳矣因敘其緣起以誌欣賞云

爾

宣統二年仲冬月朔枝江曹廷杰序於吉林勸業道署

吉林紀事詩

卷首

曹觀察序

一一

金陵湯明林
聚珍書局

序

唐宋以來詩分各體江西宗派其一也近代作者往往
貌襲古人而又好爲奇葩以鬪勝非諛言盈紙卽飾詞
連篇甚或唐突叫囂抒寫其骯髒不平之氣此作詩之
兩病也其於忠厚和平之旨一唱三歎之音蕩焉無存
遑問有合於古人否沈鈞平明府浙之仁和人也占籍
豫章之南昌以名孝廉現宰官身曩宦吳門權甘泉東
臺等邑篆所至有聲而抑鬱不得志今歲春夏間出關
來吉投効予幸同舟獲親覩其爲人敦厚溫柔笑言不
苟深有得於風人之旨趣而預知其必工於詩無以上

吉林紀事詩

卷首

陳幫辦序

金陵湯明林
聚珍書局印

二者之病也自夏徂秋公餘之暇輒蒐討乎鷄林之天
時地利風土人情與夫政治上之源流沿革每有所得
發爲詠歌延及數月纂成吉林紀事詩一編分爲十類
類附以按語詩共一百八十餘首首各加註條分縷晰
博大精深予誦其詩予益重其人詩以言志諒哉昔人
謂山谷作詩用工深刻駕東坡而上之故成爲江西宗
派公殆祖尙山谷而得其緒餘者歟是編也務其質以
著其文舉其大不遺其細且綴以圖表攷訂精詳可作
紀事詩讀亦可作省志讀適油印成爰爲綴敘概畧以
誌欽佩云

宣統二年冬十月楚北陳培龍序於吉林兵備處

吉林紀事詩

卷首

陳幫辦序

二

金陵湯明林
衆珍書局印

序

白雲曖天黑水拖地灌莽無際驚沙坐飛亦嘗準析木
眠不咸上溯稷慎肅慎通貢之初下攷元菟渤海置郡
以後撫大榮祚勿汗河濱之域詢阿骨打拉林江上之
師見夫挹婁九梯但長秋草勿吉七部一片斜陽白雁
何之黃龍不見悠悠終古茫茫此愁於斯時也則欲發
孟堅之幽情激明遠之長嘯旣而溯朱果鍾

祥之地披

翠華宣德之章五峯指處長白山高二水環來牡丹江濶白魚
瑞湧紫鷺和鳴粟末千灣雲護雌雄之箭崑崙萬仞天

吉林紀事詩

卷首

張觀察序

金陵湯明林
聚珍書局印

高堯舜之臺於斯時也則欲哦邵邠原嘯之詩攬豐沛
風雲之氣逮夫索倫舊壤羅刹相侵箕子遺封檀君勿
祀十日並出五星無光鐵道霆逝金甌颺賊神明之隩
魑魅晝行崢嶸之馘魑虎昏見犬戎外逼蛾賊內侵河
山一角蝸爭城郭千年鶴化於斯時也則有新亭之感
伊川之嗟要之華實之毛厥爲上腴襟帶之阻所謂天
府邇者

皇緯新

帝紘廓補綻決壤枝柱邪傾域分採劉向之言風俗條朱贛
之畧踵秦人耕戰之利究漢氏實邊之策文公作邑並

重工商句踐雪仇首謀生聚萬目星舉一心風行文垂
日虹武埽氛霧於斯時也則疏竇儼六綱以期致理推
張昭八審爲念保邦特是方郢四隅華離其黑白雜組
五色糾錯其元黃聞見傑池今昔旭卉求其縑綜百禩
囊括羣有關詩學之門津作史家之志乘往往水端莫
測宙合難窮而 沈君鈞平吉林紀事詩出焉君手握
赤珠口吞丹篆小萬卷爲號大九州能談元結能文恩
之一第昌國應舉成有百篇夙挺應劉之聲出闡蒲密
之化萊庭柏植潘縣藹開五十絕戚太和論民之詩三
萬戶傅山陰理繁之略然呂父之治雖首諸城而龐統
之才豈惟百里近且遠游冠好短後衣輕發軔翼軫之
墟結靺尾箕之野望南雲兮渺渺犯朔雪兮霏霏咽秋
風於楊柳笛中仁夜月於蓮花幕裏騁書生之筆舌參
上將之韜鈴時則大旂日落萬馬無聲古木飈寒一鷲
欲起盾鼻磨墨弩牙發機胸羅破陣之圖翰灑洗兵之
雨曲鳴桐鼓硯借須彌七層支白傅之陶瓶十手佐蘇
公之筆錄得詩二百數首箋註十萬餘言臚列十門都
爲一集臨淮壁壘爲之生新塞上焉支因而增色厥製
斯爲盛矣其長可得言焉聞之美物者貴依其本讚事
者宜據其實玉卮無當雖寶非用侈言無驗雖麗非經

吉林紀事詩

卷首

張觀察序

金陵湯明林
聚珍書司印

甘泉玉樹青蔥上林盧橘夏熟藻飾乖所昔賢譏之君
則黃神授筮白阜陳圖味剖今腴藻披古豔著虞書之
任土作貢慎周易之辨物居方直使讀七月之詩如覩
幽風引三閭之辭可知楚寶其可貴者一也至若落梅
驄馬迢遙隴上之章低首牛羊敕勒軍中之句饒歌朱
鷺樂府黃鸞大漠煙圓孤城月小川原氣凜王仲宣慷
慨從戎鼓角聲悲杜子美流連出塞要皆噍殺之音多
發揚之致少羈寄之情長潤色之興短君則仰矚高山
之奠俯察區陬之廓識大識小知古知今語其矜貴明
堂清廟之歌迹彼淵通古鏡空潭之照其可貴者二也

吉林紀事詩

卷首

張觀察序

三

金陵湯明林
聚珍書局印

士夫木伯奇雖振而正詭子虛烏有文以豔而用寡君
則以茂先之博兼公彥之勤孝綽之集數十萬言夷吾
所知七十二代貢俗觀變薛收采之聖人飛翰騁藻華
覈光乎時事而且強澀之體無取彥伯中和之氣得自
景先裴子野之彌綸後進可獎白樂天之淺切老嫗能
解其可貴者三也在昔烏拉文連象來易舛朱蒙技善
鴻洞難開望白狼而冰雪常填過丹鳳而音書苦斷緣
黃坤之遐阻尋墨客而寂寥吟翰無傳方聞亦略君則
旁綜載籍肇述津委遊人於積玉之圃照我以記事之
珠太沖之賦三都取材方志博望之槎萬里鑿空窮邊

是則墨林五言可備闕駟之記縹囊一詠卽註桑欽之
經方將混沌高歌太史下採其可貴者四也備茲數善
已傾一時傳之四方自堪千古蓋馬太皇之色墮其毫
端水晶火玉之光燭於腕下百三郡國次崔光之詩十
萬甲兵知范老之腹際此五京荆棘已沒銅駝兩戒風
煙難關鐵牡范滂有澄清之志程駿體申厚之旨必不
難下斟謨觴上佐揆席借片玉碎金之質贊熙天耀日
之勳豈僅君苗焚硯於陸機司隸命車於張載已哉瀛
窺豹有心雕龍無技屬承誣諉爰伸惶引愧乏皇甫之
名竊附子安之後佩直當夫迷谷糧幸有以餽貧昔日

吉林紀事詩

卷首

張觀察序

四

金陵湯明林
聚珍書局印

論文我已虛鳳閣舍人之樣遠方倍價君定重鷄林宰
相之金

宣統二年歲在上章闈茂辜月穀旦滇南張瀛序於吉
林府署

序

國風雅頌其體則興賦比其事則列國之政教風俗誠以爲詩之道以能移易風俗爲貴實不僅抒寫性情已也是故少陵篇什後世多稱道之吉林爲

國朝龍興重地昔之

聖德武功今之外交內政不有佳篇曷昭來葉然而寄興牢騷無關大計卽如秋筵之驚才絕艷究亦何補於時豫章沈君鈞平達斯旨也故其所爲之詩必詳其故實以抒其讜論且復星羅棋布以圖繫之經直緯橫以表列之用能紹

吉林紀事詩

卷首

劉丙生序

金陵湯明林
聚珍書局印

盛世之元音創詩家之奇格蓋是詩也言體則詩言事則史蘭亭絕唱固儼然三百篇之遺音也是豈小碎篇章所可同年而語哉夫文獻者古今得失之林也興衰之原強弱之故舉繫於斯謀已者以之定保守之方謀人者以之籌進取之策

國家大計關係匪輕况吉省處俄日之間國界邊防最爲緊要文獻尤不可闕耶故吾於是詩不嘉其言辭清麗而嘉其提要鉤元不嘉其音調鏗鏘而嘉其銜華佩實彼世之能詩者蓋亦多矣或則模山範水或則弄月吟風非不俊逸清新膾炙人口然而兒女情多風雲氣少

積習相靡國遂不振昔之齊梁陳隋比比然矣是則僅知爲詩而不知爲有用之詩之過也是亦烏足貴哉風雲變幻頃刻萬千放眼神州潮流日急而吉林一隅尤首當其衝當世名公鉅卿未必無有爲之志先見之明而時勢艱難無從着手遂致籌邊料敵厥願雖償惜是時無以賈生治安之策進者是詩詳記一邦文獻舊制新猷分門臚列任舉一端皆足以臻上理采其屯田之法則可以謀生聚用其實業之譚則可以興工藝欲要害之爭回也則約章之辨誤綦詳欲邊隅之鞏固也則兵力以加厚爲急天地人物至大且曠薈萃菁華博而能約讀者旣省鈎稽之煩益興政治之想倘能貫而通之則舊日因循之習必能一洗而空由是而推及鄰省由是而推及內地各行省固我邊圉莫我邦基固將以是詩爲左券也然則是詩之作又烏可以已耶嗚呼以君之才之識若有能用之者必能坐言起行博我以王道宏我以漢京而乃屈於百里不克竟其設施甚或排而去之而生平經濟僅僅見之於是詩嗚呼是固君之不幸要亦不僅君之不幸也雖然古人有三不朽太上立德其次立功其次立言是詩也立德耶立功耶吾不得而知之而立言則庶幾矣由此以前君德弗彰君功

弗顯由此以後君名必傳且大府愛才必能爭相羅致
將見良驥騰驤蹶而復起又烏知其功德之不果立耶
是亦足以豪矣吾與君同舟塞上爲忘年交物我無間
已欽其爲人體用兼該更佩其所學故雖蕪陋不文而
於是編也不能不輟數語以誌景仰世有知君者或不
河漢斯言

宣統二年十有一月長至日黃陂劉國禎謹序於吉林
兵備處

吉林紀事詩

卷首

劉丙生序

三

金陵湯明林
聚珍書局印

序

紀事之詩有韻之記也騷人詞客每爲之自有詩以來
直至於今殆以都會之巍煥古蹟之留遺山嶽之雄奇
江河之遷徙以及一邱一壑一園一林一市一村一樓
一刹一境之風月一地之煙花一晨一夕之文酒談讌
絲竹流連之旣細且微靡不譜爲篇什發之吟咏以寫
其悲歡慨慕感於中而不能自己於言者果有補於天
地幾何哉而後之人讀之猶俛仰想像幾不啻置身於
其間初未意今有沈子鈞平吉林紀事詩之偉作也吉
林爲

吉林紀事詩

卷首

蕭雪蕉序

金陵湯明林
聚珍書局印

國朝發祥地內參奉黑外邇日俄人稀而物饒山眾而林
密天然美富寰宇幾區

朝廷特改行省置督撫以治之謀何深慮何遠哉僕囊書
杖劍兩賦東征撰著無才負茲聞見獲睹鉅製奚殊掬
吾心而納吾腹撮吾言而入吾耳耶紀事詩云乎哉直
志乘耳援筆作序則吾豈敢中懷所觸欲闕不能爰書
數語爲天下後世讀是書者正告曰是書也莫作紀事
之詩觀可名爲吉林有韻之志乘

宣統三年二月七日嘉應蕭亮飛雪蕉甫書於金陵僦
寓之江聲帆影樓

吉林紀事詩自序

自古君臣契合朝野感孚本貫通中外之才成震鑠古今之業者固由其遇爲之也然其中亦有機焉方其機之未至也則以富謂文成公景銘之興墾設官長忠靖守其規達將軍伸其旨初未竟其措施及其機之既至也則以徐錫趙之通籌併計朱撫軍慮其始陳中丞觀其成卒以達其目的觀於吉林通塞之機則此紀事之詩殆亦隨機而動者乎

國語烏拉吉林四字連文烏拉謂江吉林謂沿其僅曰吉林者從漢文而省也其別作鷄林者以聲音略同也博

吉林紀事詩

卷首

自序

金陵湯明林
衆珍書局印

考唐書載鷄林賈人之事奇搜吉志傳鷄林哈達之名珍重佳篇詩同金易流連風景語定珠穿意其黑水騷人富有白山詩卷顧秋河在望未吟神鵲之篇春水從游徒奏天鷺之曲爾音金玉疇覩琳瑯惟我

皇朝聿傳

御製

聖祖翠華三莅首煥天章

高宗鸞輅四巡旁徵土俗舞名喜起歌作明良

主聖臣賢勿可及已嗣後秋笳僅見卷阿無聞殆因禁地相仍
吟壇不屑文人學士入關多仕都門游宦寓賢過境視

同傳舍報章偶載或誇詞寫竹枝文集無徵大概板虛
梨棗夫輜軒問俗二南備詠睢麟太史陳風七月不忘
蟋蟀在此

發祥之地甯無紀實之章溯自朱果鍾

靈輯繞電流虹之瑞黃圖翊

運拓降原與宅之規由是干戈戚揚

武功競盛典章制度

文化覃敷

世祖克成厥勳

列聖能繼其緒蓋三省皆

吉林紀事詩

卷首

自序

邦畿根本自異尋常而一方實

王迹肇基尤關緊要洎乎光緒丁未

德宗采議特頒改省之綸次冬戊申今

上登基重垂立憲之訓三邊之因革損益頻年之籌畫經營

不有賡歌將忘原委

禔

半生落拓萬里閒關近自江南

遠游塞外辨尾箕之天度封疆軼過於營州覽遼瀋之

地圖國界特嚴於吉省單單大嶺而太皇蓋馬長白異

其稱蕩蕩三江而松花鴨綠圖門別其派

應天媿丹陵華渚三姓早識

聖人

胥宇同部室邠居五國共扶

眞主

專征而秉旄仗鉞

時巡則繩武詒謀他如楛矢石弩貢物上稽肅慎輦路藍縷

肇邦爰及建州其間遼府金京元路明衛必識部分國別
始明碁布星羅而且漁獵人民進爲農商時代仿荆楚
歲時之記存金源風俗之遺官制更新宦途並列邊防
軍政內政外交庶績紛陳百端待理則總其成者公署
而奉其令者有司置民政司以重地方而行政用人禁
煙設警均屬範圍建交涉司以聯邦國而分疆鋪軌開

吉林紀事詩

卷首

自序

三

金陵湯明林
聚珍書局印

埠通商皆其職掌至司法獨立而檢察審判等廳隸於
提法使教育宏開則普通專門諸學轄於提學司度支
司以理財則租賦稅捐官俸軍需無勿舉勸業道之富
國而農商工賈森林礦冶罔不修有東西南北以分巡
有府廳州縣以專司而守土負其責任有旂務蒙務以
辦事有陸軍防軍以成鎮而練兵馴致精強略別部居
藉覘經濟若夫建功立業遼金汗馬之臣附翼攀鱗豐
沛從

龍之彥羣英輩出總括方宜其女眞之金碣元碑渤海之銅章
寶鑑物希爲貴器舊新珍至於珠蚌金貂珍禽貴獸野

漫巖木山繭江魚以及花果穀蔬昆蟲鱗介水晶火玉
寶石玻璃金錫銀鏐鉛銅硝炭棉絲所織皮革所縫柳
草所編樹麻所績冶工陶工之美木器漆器之良約舉
二三例推千百事無可附聞或稍遲學臨安之紀遺取
酉陽之雜俎殿諸卷末竊比志餘目列十門都爲一集
得詩二百數首加註十餘萬言事欲其詳陋管中之窺
豹詞非誇費等博士之買驢加之準鳥道以成圖開方
計里倣龍門而列表紀月編年測繪初成調查略備所
期賡續庶可完全尤冀宏通補其罅漏嗟乎介兩強之
疆場固圉卽以銷萌撫七部之山河圖存莫如求治易
之概雲峯高踞

陪都誦鷄鳴不已之詩風雨欽遲君子

宣統三年歲在辛亥夏四月穀旦豫章沈兆禔鈞平氏
自序於吉林兵備處

吉林紀事詩

卷首

自序

四

金陵湯明林
聚珍書局印

題詞

虎踞龍蟠比沛豐
白山佳氣鬱蔥龍
降原陟嶽基王跡
欲上高臺溯大風

三百年來建軍府
韜戈同作太平民
一從運會遷流極
人物衣冠次第新

文武聲名燦九邊
綢繆未雨中興年
諮詢盡入輶軒錄
揚扈新成錦繡篇

風月平章競逞才
何如椽筆絕纖埃
大東締造資藍本
志乘他年定取裁

鈞平仁兄屬題即正

辛亥季春

弟吳燾

吉林紀事詩 卷首

題詞

金陵湯明林聚珍書局印

題吉林紀事詩次友人韻

聖武當年誰作紀
楚騷孤淚更何言
千秋荒遠龍沙塞
四壁寒凝犢鼻禪
好句江山同入夢
出關民物幾憑軒
東隅往

事稍能說

曩時編輯延吉邊務報告書其山川歷史交涉等類亦頗費攷訂

何日相尋雪夜門

右題詩一首客冬所作自慚不工故久未錄出日昨見

紀事詩續印本題詞已多又承寄語索題特檢舊稿

寫呈求教乞轉致令兄可改則改之如不可用棄

之可也此上

叔美道長兄

弟制王國琛謹呈

題吉林紀事詩集

出塞新聲別宮徵摻羅掌故萬千言憂時便擬鯨翻海
入世終慙蝨處禪儘有異聞成雜俎欲將韻事補輶軒
鷄林書賈如相問爭叩空山夜雨門 奉題

吉林紀事詩

張天驥

我邦肇船實始吉林歷祀三百距固閉深所主惟軍遂
以軍治亦有民官同通理事光緒初葉漸置府縣攷獻
徵文書缺有間惟十七年奏修通志爲目十三頗無扁
義自時厥後外患如焚甲午庚子迄於甲辰亟圖拯危
乃建行省增官設治興教布警以妥疆鄰以夷伏莽以
蒐軍實以蕃民養沿革萬端合或數易幾二十年而無

吉林紀事詩

卷首

題詞

金陵湯明林
聚珍書局印

載籍 沈君南來于役督練考功執法在職有宴摻討
國聞盱衡時政憂其不續託諸謠詠凡兩閱月凡成絕
句二百又四首各爲註註輒翔覈十萬餘言曰紀事詩
厥功勤焉眈眈先哲杜吳詩史此其傳諸敢告司梓
宣統二年十月保靖瞿方梅題於吉林法政學堂

昔人每苦遼東謫今日輕作吉林客漂泊蓬梗此天涯
拚寫江山入簡冊文人大病在好奇金母木公藥不醫
畢竟古來奇勝境半歸英雄半入詩旣濟史才登仕版
熟治兵刑隻手綰將老不忘政學心穹邊更開輿圖眼
酒酣研地怕高歌磊落奇材抑塞多西堂竹枝譜海外

神京舊迹委岩阿傳人不苟爲述作興到筆落深寄託空
言那如實事徵風土人情紀崖略我愧徒作汗漫遊古
今事變逝水流君詩典核我浪語悔煞掌故疎搜求

宣統庚戌季冬

江陵鄧裕釐拜題

一官一集客題襟文獻無徵感渭深選韻重煩家合筆

分門猶是鄭樵心

書凡四卷分十門

輿圖掌上螺文細

增最新輿圖聲律

行間鳳德愔縝密溫良詩替史貢廷何必白山琛

秋筵詩句柳邊文

吳兆騫有秋筵集楊寶有柳邊紀畧

何似吾宗迴軼羣爲拾

明珩投絕徼方看搖筆動風雲

輿地門圖們江一詩於中俄界務大有關係

良知貫

徹能通俗

君宗陽明學

道統危微系屬君價重鷄林他日事一

吉林紀事詩

卷首

題詞

官塵土負多聞 奉題

鈞平宗兄吉林紀事詩卽希 吟政 南雅弟宗琦

佺期曠世挺英聲賸馥殘膏萬眾傾留取篇章光玉塞

抵將方略上金城鷄蟲得失空千古鷓蚌河山弔五京

吟罷披襟望長白寒飈萬木一雕橫

白雲如幄海如環歲暮滄江客未還劍氣一庭雪生幕

角聲幾處月滿關布衣仗策公卿側斗酒題詩天地間

特乞休文遊好贈鷄林求市擬香山

庚戌仲冬楚黃張濟川題於孟晉齋

古今掌故儘搜羅子建才真八斗多三百年來開樸陋

鷄林韻事此先河

五色花從筆底開天留時會待君來他年

國史徵文獻典重應推著作才

年愚弟傅鍾濤拜題

龍興遙想當年迹虎視難消近日憂荆棘刺空餘落照烽煙欲
靜苦防秋不無家國添悲感幸有文章助遠猷典重材
堪修史乘襟懷千古意悠悠

程途遠走八千里掌故近徵三百年華國文章傳信史
等身著作有新篇河山變色悲今古金石溢聲入管絃
筆下龍蛇忠義氣屈原心事寫江邊

吉林紀事詩

卷首

題詞

三

金陵湯明林
聚珍書局印

黃陂劉國禎拜題

休文聲價孟堅才事事關心到草萊歷徧吉林版圖地
蒐羅一例入詩來

足蹟頻煩眼界寬十門筆底蔚奇觀要知不是閒吟詠
試當今朝志乘看

長白山頭左右望十年間事幾滄桑可憐無數憂時淚
都化珠璣貯錦囊

肥魚濁酒記當時數醉松花江上厄萬種牢愁銷不盡
鷄林紀事復題詞

嘉應蕭亮飛拜題

海天望無際一別動經年慨慷從戎日蒼涼出塞篇山

依長白起江與牡丹連外患風潮迫陳詩策邊

去年消夏節爲我緝詩詞還覽江南會知從塞上師家
庭談別緒客路問歸期大漠鴻飛遠傳書到恐遲

鈞平大弟隔別有年去春重晤於江南屬其爲余編輯
倚梅閣詩詞付梓今秋挈兒女由毘陵赴江南覽勸業
會則弟已赴吉林矣僅與弟夫人陶錦裳妹及姪輩暢
談別緒今寄題此詩爲之愴然

宣統庚戌冬月適瞿韻蘭姊淑英作於常州之十子街
本宅

頻年投筆事戎軒鄒律誰吹黍谷溫豈有詩名同白傅

吉林紀事詩

卷首

題詞

四

金陵湯明林
聚珍書局印

拚將幽怨託黃門鶴歸難認江雲影鴻踏空留塞雪痕
萬里遼天來復往實邊猶望徙民屯

宣統二年春重作關外之游于役吉林督練兵備處次
夏得家電乞假暫旋則女兒文英已於前一歲五月朔
逝世內子陶錦裳又於今年四月三日病歿外孫吳蟾
桂生五年矣人極聰穎亦於是月二十九日夭亡骨肉
凋零百感交集因金陵排印吉林紀事詩竣自題一律
寄意不復計詞之工拙也 辛亥季夏鈞平氏自題於

江南湘軍公所

攬勝遼天海湖自昔山河戎龍蟠虎踞帝王眞宅雲氣

如蓋剩片颿影落斜陽外水流碧峯橫黛喚漁樵從頭
說古今興廢安在 同是宦游人飄零又東向榆塞勝
迹不堪尋頓風景初改最無聊杜老詩史平生亡儘多
傷心載與子把尊酒一聲歌慷慨 調寄塞垣春奉題
鈞平仁兄吉林紀事詩

辛亥二月既望嘉定徐鼎康倚聲

灞上迷漫風雪路驢背朝朝也合詩翁去長白距天曾
幾許登高到此誰能賦 拌買貂裘歸計誤五十弦聲
翻得驚人句祇惜塞鴻飛不度春來消息無尋處

惠賜尊箸傾佩無既敬題鵲踏枝一詞奉報 雅誼尙

吉林紀事詩

卷首

題詞

五

金陵湯明林
聚珍書局印

祈 正譜爲荷之至

鈞平先生道鑒 辛亥上元前五日弟周家樹倚聲

畫角聲聲裂祇不勝許多清怨助他嗚咽春到遼陽無
尋處未抵江關蕭瑟應笑我等閒頭白一樣青青邊塞
柳甚無情也帶傷心色風露冷藐姑射 寒煙點點眞
王宅賸漁樵從容說起幾番今昔有酒難澆千古恨暗
憶頭城五國又聞道長安似奕三百餘年多少事付哀
時杜老生花筆思冒頓習鳴鏑 調寄金縷曲奉題
鈞平先生吉林紀事詩 辛亥二月既望長沙易象天

嘯初稿

獨客怨春暮，俛仰問遼西。遼西千歲孤，鶴爭道不如歸。
迴首興王第，宅依約故人。子弟城郭是，耶非周室忽。東
邁禾黍正離離，六州鐵伊梁石甘渭氏。於今已成大
錯來日故，應悲忍付城南詩。客贏得幾番吟嘯淚，眼弔
斜暉卻笑賈生策。何似伯鸞噫，調寄水調歌頭奉題。
鈞平先生詞長，大集並希。正拍。滄山胡熙壽。

寒裳遼水便關懷，塞上風雲恢詭誰。念沛豐舊日龍興，
鄉里鐵騎嘶邊聲起。先生笑把金徽理，七字長城總
是傷心史。陳事儘多歷歷，從頭省記五國城千年矣。

調寄河傳奉題

吉林紀事詩

卷首

題詞

六

金陵湯明林
聚珍書局印

鈞平鄉台先生大集

鄉晚鍾銘勳倚聲

渺空煙鶴飛，萬里遼天瞰。蒼茫大東風景，何人寫入吟。
箋牡丹江松花秀，接長白部粟末雄。環王氣先鍾，霸圖
休問龍興人物。邁金源稽土物，金貂珠蚌林礦。共天然
輿圖按島連，庫頁嶺括興安。經幾番歐風亞雨，而今
方覺時艱課耕桑。徐收地利，置郡縣徧設民官。銳進新
猷，促行憲政。實邊長策在防邊，舉獵火蒐苗獮狩。講武
憶當年悲涼調秋笳，遙和塞外弦翻。調寄多麗辛亥
仲春鈞平氏自填於吉林戎幕。

書

鈞平仁兄大人惠管宦轍分馳未通縞紵 聲華藉甚
良企 瓊琚頃奉 札書並 大著吉林紀事詩二冊
絕成四卷區分十類載展玲帙如排珠字成就家言自
標馨逸瑰耀發於川嶽涵茹富於淵藪暉寵萬有甸鑄
六義匪特潤色鴻業雕琢曷辭此則樊籬斥鷃睇大鵬
之擘霄渤澥凡鱗詫神龍之燭漢也卽或導源瑤峽接
軫瓊塗摹茲風景語盡雷同露橋擻笛霜驛聞鐘烏篷
往來與野鷗以共泊芒屨登陟呼嶺媛而爲羣蹋蘚尋
煙煎茶調水蓴鄉鱸美桃漲鰕肥拳香逕曲望吳苑之

吉林紀事詩

卷首

樊方伯書

金陵湯明林
衆珍書局印

錦帆響屨廊空憶越溪之羅袜擊盞奏其妍詞刻燭傳
其雅集商推眾製何關品藻憑虛造意違云寄託其弊
一也迺若憔悴失偶哀樂無端銜前說劒感彥昇之言
座上擊壺發處仲之歎殊庾信之羈旅愴搖落於江關
異陶潛之隱居憫喪亂於井里摛詞雖雅無病而呻其
弊二也至若隄邊楊柳臺上蘼蕪碧玉紀年黃金買夜
吳坊小妓溢浦故倡映欄角之衫影墮簾尾之釵痕暈
紺露而衣香壓綠雲而帽側樊川白袷因杜娘而紀恨
昌谷青袍對公孫而隕涕雖擅綺思奚當闕旨其弊三
也吾 兄才高八詠業盛千秋山川能說湖海胥延當

十人而足了豈一行而遂廢吳質作吏惟事歌歎郎基
在官但知寫書條舉件繫殫見洽聞何願船之北徼彙
編愧斯麗則褚廷璋之西域圖詠遜此博綜其善一也
粵若

龍興舊宇蠻觸邊疆勢逼連鷄持同穴鼠是以握金鍼之祕預
除準上之懸疣清玉牀之塵難假卧旁之鼾睡吾兄
智燭幾先言者無罪郡國利病川陸塞阨政令興革圖
經損益酌古準今造詞遺志此則宏農帳底非助中郎
之談吐渾牀頭定有子昇之集其善二也持律固嚴鯁
理罔紊氣挾牛弩巧儷鴛機自出杼柚盡屬琳瑯趙家

吉林紀事詩

卷首

樊方伯書

金陵湯明林
聚珍書局印

之遺事徵存厲樊榭獨標宗派元室之菽文太略錢竹
汀自闢霧衿吾兄據針奧謀竺精緹素頡頏前哲若
驂靳焉啟櫝示樸伐澤得珠洪更生荷戈之集僅賦牢
愁吳兆騫秋笳之唸不參故實其善三也延其遠矚盪
茲奇懷屏除三弊淹積眾善約文敷鬯綜意完密誠辭
林之創製菽苑之別裁也弟僵逾洽壽噤類寒蟬覆後
世之醬瓿賸卽時之酒栢驚人有句文采久欽謝朓使
君不凡品題彌愧鍾磔未盡覩縷罔罄導揚卽承著
祺不宣 辛亥季夏六月上浣恩施樊增祥雲門甫頓
首拜復

吉林紀詩事卷首

豫章沈兆禔鈞平氏著並註

男世廉校勘

凡例

一史以紀事兼以紀言詩之爲道何莫不然在昔少陵曾稱詩史景仰唐賢學焉未逮茲分十類彙集一編首紀發祥次紀巡幸尊

王也三紀天文四紀輿地五紀歲時附以風俗定方位明沿革識風土也六紀職官稽舊章考新制也七紀人物誌英賢存勳舊也八紀金石九紀物產摻古器徵土物也十紀雜俎又所以拾遺而補闕也出以挖揚取便諷誦加

吉林紀事詩

卷首

凡例

金陵湯明林
聚珍書局

之箋釋以省檢查

一詩及小註取材經史旁徵子集百數十種邸抄通志報告政書官私報章分別采擇惟通志告成光緒中業官報創始宣統初元中十餘年書缺有間法令政要摻以補之名家言論亦資互證

一宦績一門不復另立分籌憲政歲見奏章職掌所關經猷斯著惟善政日新勢難期限油印之本截至去秋現因排印量登重要

一署局處所舊制新章各有內容外觀難悉且非公事未便調查僅就所知紀其梗概略成拙藁分送吟壇題

詞賜序乞自名公糾謬繩愆望諸同志箋註既多容或
訛漏倘須添改祈各函知若賜題跋亦希寄示當爲登
錄藉以流傳

一交涉軍政多守秘密特別機宜時未宣布普通文件
則已通行經政所係未便闕如各紀大端以見規制

一抬寫之處限於篇幅詩則照抬註惟空格以寓敬意
免占多行應偏應小刷印易糊刻書通例在所不拘大
字直書庶較清晰

一山川疆域非圖不明沿革變通非表不備仿諸裴秀
經直緯橫本之史遷旁行斜上地理官制始有所稽列

吉林紀事詩

卷首

凡例

於簡端以醒眉目

吉林紀事詩目錄

豫章沈兆禔鈞平氏著並註

男世康校勘

卷首

凡例

圖

表

各序 題詞

卷一

發祥_{首五}巡幸_{首一}天文_{首一}輿地_{首六}歲時_{首十二}
風俗附四

卷二

吉林紀事詩 卷首 目錄

職官一 公署十四首 民政司九首 交涉司九首 提法司六首 提學司六首 度支司七首

卷三

職官二 勸業道十四首 分巡道暨府廳州縣一首 旂務處附蒙務處九首 軍政七首

卷四

人物_{首二}金石_{首二}物產_{首二十}雜俎_{首十九}


以上統共二百零六首

卷末

後序 跋 記

勘誤表

最新吉林省全圖



一之九百一十九萬分

200000 175000 150000 125000 100000 75000 50000 25000 0 12500 25000

連密 五〇 一〇〇 一五〇 二〇〇 二五〇 三〇〇 三五〇 里中

州府省 直隸州 直隸廳 縣廳 國界 省界 路道站驛 門邊 橋邊 站 代管理 管理 碑界 泡湖

京師國學萃編社發行
益森印書公司石印
每幅定價大洋二角

興圖之學近日愈精東三省奏設測量總局派隊往吉林測量起將來製成精密地圖是資考證然曠日持久軍用或守秘密政學
兩界以不得善圖為憾宣統元年春正月謝民政司汝欽飭理理科王勳高推中程崇實等負就坊行地圖訂行政地圖二幅呈
公署編輯處鑒定付梓視舊圖較為詳審願刷印無多流傳不廣今又兩年矣其間由緩設改印設者如舒蘭阿城饒河等縣添設
者如饒陽德惠等縣樺川縣又詳准由准木斯地方移駐悅來鎮而所畫圖們江馬字界牌調查實係土字其與奉天新設三長白府
未定界線現已劃定有此不同數處因著吉林紀事詩及註之暇與同事奉謀處調查員合肥孫炳勳商同繪圖生宗心
心張龍誠兩生就原有及達部各圖奉以調查測量一切之報告分別生取截至本年冬月止成能新三圖先付不印聊為
諸君子考古巨時之一助其建置沿革另具手表
宣統二年庚戌嘉平月孫章沈北提議廣陵吳仲書

吉林全省疆域職官簡明一覽表

地名沿革方位里數設治年月

吉林省 謹案吉林為京東二千三百一十里奉天東八百一十里極高四十三度四十分七分距順天北緯三十三度五十分偏順天

漢魏唐宋為元菟為遼東經一十二度零二分威七分距英一千九百二十七度

勿吉為渤海女真遼東經一十二度零二分威七分距英一千九百二十七度

祥甯江長春等州率治測驗所世界線

賓黃龍等府長白輝東經一十二度零二分威七分距英一千九百二十七度

發博羅滿達勒烏舍三十二分

鐵驪靺鞨五國伯哩

等部及安定國金為

海蘭率賓呼爾哈威

平元為開元咸平碩

州元為開元咸平碩

達勒達等路及合蘭

府均跨有全省明季

吉林紀事詩卷首

表
金陵湯明林
聚珍書局印

初年為訥兒千都分
領衛所一百餘後分
東半為野人建州等
衛西半為海西衛之
葉赫輝發烏拉等部
皆郡國雜建之制咸
國初則極諸東海咸
隸版圖幅員為最廣
咸豐八年與俄定愛
琿之約劃烏蘇里江
為界沿海數千里遠
非我有十一年劃界
定北京之約暫以圖
們江口為界又讓地
數千里以今之疆界
言東界烏蘇里江與
俄之東海濱省鄰西
界威遠堡邊門迤西
即奉天之開原縣境
南界圖們江為朝鮮

衙巡撫吉林等處地
方秩從二品駐吉林
省城養廉銀一萬五
千兩公費銀三萬六
千兩光緒三十三年
裁將軍改設

民政司 吉林民政使
從二品駐省城養廉
銀八千兩公費銀一
萬四千四百兩光緒
三十三年四月奏設

交涉司 吉林交涉使
正三品駐省城養廉
銀六千兩公費銀一
萬二千兩光緒三十
三年四月奏設

提法司 吉林提法使
三年四月奏設

北威鏡道北界以松
花江為長嶺子界之
限東南至長嶺子界
牌舊為金之率賓路
西南劃自長白山之
老龍岡與奉天之長
白海龍二府接壤東
北至烏蘇里混同兩
江口鄰俄之阿穆爾
省西北接奉天之穆爾
圖洮南北府即內蒙
古哲里木盟東西廣
二千四百里北袤
一千八百里光緒三
十三年春改建行省
以來歷次升改析併
截至宣統二年冬計
府廳一統二州一冬
隸廳同知撫民同
知一分防同知二撫

吉林紀事詩卷首

表

正三品駐省城養廉
銀六千兩光緒三十
二年奏設又三十三
年四月奏設各級審
判檢察等廳丞廳
長以下各官迄今尚
未設齊又有管獄官

提學司吉林提學使
正三品養廉銀四千
兩公費銀一萬二千
兩光緒三十

度支司吉林度支使
從三品駐省城養廉
銀六千兩公費銀二
萬四千兩光緒三十

金陵湯明林
案珍書局印

三年四月奏設
有管庫官一

勸業道吉林勸業道
省城養廉銀三千兩
公費銀九千六百兩
光緒三十三年裁吉
林分巡阿伯道兼
按察使銜缺
奏請改設

西南路道分巡吉林
備道兼管長春關稅
加參領銜秩正四品
養廉銀三千兩公費
銀一萬二千兩光緒

民通判一州一設治
州一設縣十
三設治縣五緩設縣
二分防州同一分防
府分防主簿一分巡
於西防南西北東轉
北四路南道外尚東
府經路兼司獄四巡
檢兼司獄十二吏目
一典史一獄教授三
論三訓導六提法司
管獄官一度支司管
庫官一

西南路道

州隸一
州七縣一
轄兩府一
道駐長春
直

京東二千零七十里
省西二百四十四里
北極高四十三度四
十分六分距吉林南
緯三十一度一分偏
度五十分一

西南路道分巡吉林
備道兼管長春關稅
加參領銜秩正四品
養廉銀三千兩公費
銀一萬二千兩光緒

西經一度四十九分
偏順天東經八度三分
十八分距英國格林
威治測驗所世界
線一百二十五
度四十三分
宣統三年設長春道
宣統元年奏改今名
二年春經
部覆准

吉林府 原名永吉州
以理事同知

省城

知府秩從四
品餘倣此
光緒八年

升改東界敦化西界
雙陽南界樺甸北界
舒蘭

濛江州 由吉林之濛
江分設治珠

省西南三百六十里

知州秩從五
品餘倣此
光緒三十三年

子河北岸濛江口東
界奉天之撫松西界
奉天之輝南通化南
界奉天之臨江北界
樺甸

吉林紀事詩 卷首

表

三

金陵湯明林
聚珍書局印

磐石縣 以磨盤山得
名治永安屯

省西南三百五十里

知縣秩正七
品餘倣此
光緒二十八年

東界濛江西界伊通
南界樺甸及奉天之
海龍北界
吉林長春

樺甸縣 本名樺皮甸
子原勸縣治

省東南二百七十里

知縣
光緒三十四年

在樺樹林現移駐官
街係析吉林磐石敦
化縣地添設東界敦
化及奉天之安圖西
界磐石南界延吉
北界吉林及長春

舒蘭縣 由吉林之舒
蘭站分設東

省北一百一十里

設治委員
宣統元年

界五常西界磐石南
界吉林北界德惠

雙陽縣 由吉林之雙
陽河分設東

省西二百里

知縣
宣統二年

界吉林西北界伊通南

伊通直隸州

省西南二百八十里

直隸州知州秩正五品餘倣此宣統元年

光緒八年由分防巡檢升州宣統元年升

赫爾蘇分防州同光緒二十八年

直隸州又州西迤北

九十五里赫爾蘇邊

門設有分防州同計

州境東界磐石西界

省西二百四十里

知府光緒十五年

長春府古郭爾羅斯

吉林紀事詩

表

四 金陵湯明林聚珍書局印

農安縣由長春之農

省西北三百八十里

知縣光緒十五年

升改即遼金之黃龍

德惠縣治大房身在

省西北三百六十里

知縣宣統二年

德沐惠二鄉及夾荒

長嶺縣原名長嶺子

省西五百一十里

知縣光緒三十三年

放蒙荒地分設又縣

省西五百一十里

新安鎮分防主簿光緒三十年

防主簿計縣境東界
農安西界郭爾羅斯
前旂南界奉天之
奉化北界新城

西北路 巡道駐哈爾
濱俄暫租界
及濱江廳轄四府一
直隸廳一廳兩縣

濱江廳 本雙城府地
光緒三十三年
年設江防廳宣統元年
年改分防所轄傳家

吉林紀事詩 卷首

甸四家子兩處地面
不足十里議益以雙
城阿城之地至今尚
未劃定東界四家子
西界俄暫租界之糧
台南界秦家岡鐵路
旁北界松

雙城府 本阿勒楚喀
地原名雙城

巡檢升改撫民通判
今由廳升府又府東
一防里拉林城設東
分防巡檢計府境東
界賓州西界新城南
界榆樹北
界松花江

新城府 治伯都訥雍
正四年設長

京省東北二千八百數十
里北極高四十五里
距北極二分四十五度
五十二分二吉度
緯二度二分二吉度
順天北緯六度四分
一分五十分
林威治測驗所
中線一百二十八度

省北五百
分十

表

省北四
百里

省西北
六十里

西北路道 分巡吉林
備道兼管濱江關稅
及商埠交涉事宜加
參領銜秩正四品宣
統元年設濱江道旋
奏改今名二年
春經部覆准

分防同知
宣統元年

五 金陵湯明林
聚珍書局印

知府
宣統元年
拉林分防巡檢
光緒年間

知府
光緒三十三年

甯縣乾隆元年裁併
歸永吉州二年設州
同十二年裁改巡檢
二古十六年裁改辦理
蒙五年事務主事嘉慶
十添設巡檢理事同
知伯都訥孤榆樹分
緒三年廳治移駐光
榆樹八年廳改撫民同
知今由廳升府
還治伯都訥

榆樹直隸廳
原名孤
榆樹屯
光緒
巡檢
同訥
移事
知移
同撫
為撫
此而
於此
於伯
十一年
檢於
十一年

設有分防巡檢光緒
八年改為伯都訥理事
同知為撫民同知移
駐於此而移分防巡
於伯都訥光緒三
十一年升改新府

吉林紀事詩
卷首

表

六

金陵湯明林
聚珍書局印

還治伯都訥而以此
設榆樹縣今升直隸
廳東界五常西界新
城松花江長春南界
吉林城北
界雙城

五常府
治五常堡屬
之歡喜嶺光
緒八年設撫民同知

並於廳南六十里設
山河屯分防府經歷
西九十里設彩藍橋
分防巡檢計府境東
界長壽西界榆樹南
界舒蘭北
界賓州

賓州府
原名葦子溝
光緒八年設

撫民同知今由廳升
府東界方正長壽西

省西北二
百七十里

同知
宣統元年

省東北三
百六十里

知府
宣統元年

山河屯分防府經歷
光緒八年

彩藍橋分防巡檢
光緒八年

省東北六
百零五里

知府
宣統元年

界阿城雙城南界

五常北界松花江

長壽縣由賓州燒鍋
檢升改東界甯安方
正西界雙城阿城南
界圍場五常

北界賓州

阿城縣本阿勒楚喀
虎水也俗名阿什河
治紅旂屯離古白城
二里東界賓州西界
濱江南界雙城北界
黑龍江

東南路巡道原駐琿
轄二府兩廳四縣又
原轄穆稜一縣宣統

吉林紀事詩卷首

二年八月因劃界地
勢不便稟准改歸東
路北

延吉府本琿春煙集
岡光緒二十八年設

延吉撫民同知今由
廳升府東界汪清琿
春西界敦化南界和
龍及朝鮮北

琿春廳治琿春城管
之地東界圖們江西

界延吉南界圖們江西

省東北八

省東北四

京東三千一百二十
五里省東南八百一
十五里距北極高四
十三度十八分距吉

林南緯二十七分距
順天北緯三十三分
三分偏吉林東經二
度五十分偏順天
東經一十三度五分
距英國格林威治測
驗所世界線一

省東南八百

省東南一

知縣光緒二十八年

知縣宣統二年

東南路道分防吉林
備道兼管琿春延吉
等處關稅邊務加參

領銜秩正四品宣統
元年設琿春兵備道
旋改今名二年
春經部覆准

知府宣統元年

撫民同知宣統元年

表

七

金陵湯明林
聚珍書局印

北界
東甯

和龍縣

治和龍峪由

省東南八百九十五里

知縣
宣統元年

龍峪分防府經歷升
改管圖們江越墾各
地東甯朝鮮之鐘城
會甯等府西界奉天
之安圖南界圖們江
朝鮮之茂山府北界

吉延

汪清縣

以汪清河得

省東一千零三十五里

設治委員
宣統元年

南岸之哈順站旋移
治於距延吉九十里
之百草溝而益以甯
安南境之地東甯東
甯琿春西界甯安南
界延吉北界甯安

吉林紀事詩

卷首

表

八

金陵湯明林
聚珍書局印

甯安府

治甯古塔城

省東南八百里

知府
宣統二年

駐改設東界穆稜西
界五常南界延吉北
界依蘭

東甯廳

治三岔口以

省東一千一百九十五里

分防通判
宣統元年

之原駐地改設東臨
湖布圖河界俄國之
五站西界臨安南
界琿春北界額穆

敦化縣

即鄂多哩城

省東南四百八十里

知縣
光緒八年

現建城於舊城西二
里許東界延吉西界
吉林南界樺甸北界

額穆縣

治敦化原屬

省東三百五十里

設治委員
宣統元年

站即我朝始居鄂
謨輝之野以額穆和
湖得名係析敦化甯
安五常之地增設東
甯安西界五常南
界敦化北界甯安

東北路
巡道駐依蘭
一州五縣又設一廳
州兩縣按東南東北
兩路道所轄地方係
就與在劃界後酌定
故與與地內按語本
之從前奏案者稍有
同不

京東二千三百三十一
五里省東北一千一
百四十七度二十分
高四十七度四十分
距吉林南緯度四十分
七分五十五分偏北
度二四度一分十二分
東經四度一分十三
偏順天東經一十三
度二十分距英界
林威治測驗所世界
中線一百二十度十
五分

東北路道
分巡吉林
備道辦邊務交涉
兼管依蘭等處關稅
加參領銜秩正四品
宣統元年設依蘭兵
備道旋奏改今名
二年春經部覆准

吉林紀事詩
卷首

依蘭府
治三姓城國
語曰依蘭喀
喇依蘭三也喀喇姓
也係裁都統添設東
界樺川西界方正南
界勃利北界松花江
江北即江
省湯源

省東北一千一
白一十五里

知府
光緒三十一年

方正縣
以方正泡得
名東界依蘭
西界長壽南界牡丹
江北界松花江
即江省
大通

省東北九
百零五里

知縣
宣統元年

穆稜縣
治穆稜河由
甯安之穆稜
河西界甯安勃利南
河知事升改東界東
甯西界甯安勃利南
甯甯安北
界蜜山

省東北八
百零十里

知縣
宣統元年

九
金陵湯明林
衆珍書局印

樺川縣 以三姓南境
百六十五里

宣統元年設治委員

准遷治悅來鎮即蘇
蘇屯東界富錦西界
依蘭南界寶清北界
松花江湯源

勃利縣 以古勃利州
千三百餘里

宣統元年奏設

甯安穆稜南界清西界
前暫歸依蘭未設治以

蜜山府 以甯古塔之
二百九十里

光緒三十三年

古塔及三姓地添設
東界虎林西界穆稜

吉林紀事詩 卷首

表

十 金陵湯明林 聚珍書局印

即快當壁
北界臨江

臨湖縣 以興凱湖得
千三百里

宣統元年奏設

衛湖之西北岸屬中
國東南岸屬俄國縣
治尙在緩設之列大

臨江府 光緒三十一年
百八十五里

宣統元年

克錦之拉哈蘇蘇設
州今升府東界饒遠
西界富錦南界饒河

富錦縣 由富克錦分
百四十五里

宣統元年

半爲俄省興東道治
半爲阿穆爾省西

東界臨江西界樺川
南界寶清北界松花
江省湯源

饒河縣以克富錦之
治小加級河東界烏
蘇里江西界寶清南
界虎林北

寶清州以寶清河得
坡東界臨江西界勃
利南界蜜山饒河北
界富錦樺川未設治
以前蘭樺子山迤東
撓力河迤北歸臨江
府經理蘭樺子山迤
西撓力河迤南
歸蜜山府經理

吉林紀事詩 卷首

虎林廳以三姓之七
治呢嗎口以呢嗎廳
分防同知改設東界
烏蘇里江右岸為俄
屬西界蜜山南界蜜
山北界

綏遠州治三姓烏蘇
嘎東界耶字牌與俄
分界西界臨江南界
饒河北界混同江
左為俄阿穆爾省

省東二千九百四十里

省東北約一千四百餘里

省東一千五百九十五里

省東北二千零九十里

宣統元年設治委員

宣統元年設治委員

宣統二年撫民同知

宣統元年設治委員

十一 金陵湯明林 聚珍書局印

修史之難莫如圖表以其不可以意為之也吉林自光緒十七年創修通志列有圖表於疆域職官之沿革亦既得其大凡矣及三十三年改行省設民官郡邑之分合改移職司之裁併增

減因地制宜如同創始博雅君子欲繪一輿圖則礙於界址未
清不能就也欲訂一官志則礙於編制未定弗克成也舊制新
章淆然莫辨俟河之清人壽幾何竊以爲地界縱未劃斷而四
至可推測而知官制縱未設齊而百司可參稽而得乃不揣固
陋截至庚戌之冬先成地圖付諸石印以公同好然有圖無表
仍不明晰又薈萃羣書勉爲此表惟宣統紀元以上文牘不全
公署政書所紀二十一屬道里按之通志及舊驛站表已多不
合而新設各處更無從問津復向文報局趙刺史仙瀛乞得道
里單一紙核與通志政書驛站表亦互有參差又從兵備處查
有前屬民政司管理之文報局道里表並謝民政司之按屬調
吉林紀事詩

卷首

表

十一

金陵湯川林
校印書司

查記彼此互較擇善而從數月以來略有端緒蓋吉省地方遼
闊計里本未確鑿又有官道僻路之分並有看似迂迴而實便
捷者如附火車輪船繞道之類故路之遠近言人人殊然文報
郵置所經似覺較的乃以道里單爲主而間以各書所列參酌
改定其天度內之北極高度及南北緯度東西經度除圖內照
繪外亦於省城及四巡道所駐處詳列焉至其職官建置年月
稽之記載參以訪聞亦十得八九彙爲簡明一表其中沿革擇
要入表並散見於各詩註內本末略具仍恐不無訛漏如得海
內通人隨時補正則幸甚焉宣統庚戌除夕豫章沈兆禔附記